

Ո Ր Ո Շ ՈՒ Մ N 852

վարչական գործի վարույթը կարճելու մասին

16 նոյեմբերի 2020թ.

ք.Գյումրի

ՀՀ ՊԵԿ Հյուսիսային մաքսատուն-վարչության պետի ժամանակավոր պաշտոնակատար Նարեկ Գևորգյանս, քննելով Արմեն Մարտիրոսյանի (Հայաստանի Հանրապետության քաղաքացի, անձն. AM 0221154) կողմից մաքսային կանոնների խախտում կատարելու վերաբերյալ նյութերը

Պ Ա Ր Զ Ե Ց Ի

Արմեն Մարտիրոսյանը (Armen Martirosyan) 04.12.2019 թվականին թիվ 05100022/041219/0000583244 մաքսային մուտքի օրդերով 339 օր ժամկետով՝ մինչև 07.11.2020 թվականը ՀՀ տարածք է ներմուծել BMW X5 մակնիշի, NS262SS պետհամարանիշի, 2004 թվականի արտադրության ավտոմեքենա, սակայն խախտել է հետագա արտահանման պարտավորությունը:

Փաստի առթիվ ՀՀ ՊԵԿ Հյուսիսային մաքսատուն-վարչության Բավրայի մաքսային կետ-բաժնի պետի տեղակալի կողմից 11.11.2020 թվականին Արմեն Մարտիրոսյանի նկատմամբ կազմվել է մաքսային կանոնների խախտման վերաբերյալ արձանագրություն՝ ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտման հատկանիշներով:

Մաքսային կանոնների խախտման վերաբերյալ վարչական վարույթի շրջանակներում հարցում է կատարվել ՀՀ ՊԵԿ Ներքին անվտանգության վարչություն՝ ավտոմեքենայի սահմանահատումների վերաբերյալ տեղեկություն ստանալու նպատակով: ՀՀ ՊԵԿ Ներքին անվտանգության վարչության 16.11.2020 թվականի թիվ Ն/2-5/184035-2020 գրությամբ տրամադրված տեղեկությունների համաձայն Արմեն Մարտիրոսյանը 04.12.2019 թվականին Բավրայի սահմանային անցակետով ՀՀ է

ներմուծել BMW մակնիշի, NS262SS պետհամարանիշի ավտոմեքենա, սակայն հետագա արտահանման պարտավորությունը չի կատարել:

ՀՀ կառավարության 2020 թվականի մարտի 16-ի թիվ 298-Ն որոշմամբ Հայաստանի Հանրապետությունում հայտարարվել է արտակարգ դրություն: 2020 թվականի ապրիլի 13-ի թիվ 543-Ն որոշմամբ այն երկարաձգվել է՝ Հայաստանի Հանրապետությունում գործող արտակարգ դրությամբ պայմանավորված իրավիճակով:

Պարետի կողմից 24.03.2020թ. կայացվել է N 16 որոշումը Հայաստանի Հանրապետության ողջ տարածքում անձանց տեղաշարժի սահմանափակումների վերաբերյալ:

ՀՀ մաքսային օրենսգրքի 199-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելը՝ առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում՝ ազատ շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

Վարչական իրավախախտումների վերաբերյալ ՀՀ օրենսգրքի ի 247-րդ հոդվածի 1-ին մասի համաձայն՝ վարչական իրավախախտման վերաբերյալ գործի վարույթը չի կարող սկսվել, իսկ սկսվածը ենթակա է կարճման, եթե առկա է վարչական իրավախախտման դեպքի կամ կազմի բացակայություն:

Հիմք ընդունելով վերոնշյալ իրավակարգավորումը և հաշվի առնելով, որ Արմեն Մարտիրոսյանն իր կամքից անկախ պատճառներով հնարավորություն չի ունեցել կատարելու թիվ 05100022/041219/0000583244 մաքսային մուտքի օրդերով ժամանակավոր ներմուծված ավտոմեքենայի հետադարձ արտահանման պարտավորությունը, ուստի նման պայմաններում իրավախախտման կազմը բացակայում է:

Ելնելով վերոգրյալից և ղեկավարվելով ՎԻՎ ՀՀ օր-ի 247-րդ հոդվածի 1-ին մասով,
ՀՀ մաքսային օրենսգրքի 221-րդ հոդվածի 1-ին կետի «բ» ենթակետով՝


Ո Ր Ո Շ Ե Ց Ի

1. Արմեն Մարտիրոսյանի նկատմամբ հարուցված վարչական գործի վարույթը կարճել՝ իրավախախտման կազմի բացակայության պատճառաբանությամբ:
2. Որոշման մասին հայտնել Արմեն Մարտիրոսյանին:

ՀՅՈՒՍԻՍԱՅԻՆ

ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏԻ

ԺԱՄԱՆԱԿԱՎՈՐ ՊԱՇՏՈՆԱԿԱՏԱՐ



Ն.ԳԵՎՈՐԳՅԱՆ